



## **KENYATAAN AKHBAR OLEH KETUA AUDIT NEGARA**

### **BERKENAAN:**

**LAPORAN KETUA AUDIT NEGARA TAHUN 2021 SIRI 1 MENGENAI  
AKTIVITI KEMENTERIAN/JABATAN KERAJAAN PERSEKUTUAN  
DAN BADAN-BADAN BERKANUN PERSEKUTUAN**

**LAPORAN KETUA AUDIT NEGARA TAHUN 2021 SIRI 1 MENGENAI  
PENGURUSAN SYARIKAT KERAJAAN PERSEKUTUAN**

**LAPORAN KETUA AUDIT NEGARA TAHUN 2021 SIRI 1  
MENGENAI AKTIVITI KEMENTERIAN/JABATAN/AGENSI  
DAN PENGURUSAN SYARIKAT KERAJAAN NEGERI**

1. Laporan Ketua Audit Negara (LKAN) dibentangkan di hadapan Dewan Rakyat secara bersiri seperti mana amalan tahun-tahun sebelumnya. Laporan yang dibentangkan di hadapan Dewan Rakyat pada hari ini, iaitu pada 3 Ogos 2022 terdiri daripada 15 naskhah seperti berikut:

1.1. Dua naskhah LKAN peringkat Persekutuan iaitu:

- (a) LKAN Tahun 2021 Siri 1 mengenai Aktiviti Kementerian/Jabatan Kerajaan Persekutuan dan Badan-Badan Berkanun Persekutuan; dan
- (b) LKAN Tahun 2021 Siri 1 mengenai Pengurusan Syarikat Kerajaan Persekutuan.

- 1.2. Sebanyak 13 naskhah LKAN peringkat negeri, iaitu LKAN Tahun 2021 Siri 1 bagi Aktiviti Kementerian/Jabatan/Agensi dan Pengurusan Syarikat Kerajaan Negeri.
2. Pada hari pembentangan, Jabatan Audit Negara juga memberi taklimat berhubung penemuan utama Audit yang dibangkitkan dalam laporan tersebut kepada ahli-ahli Jawatankuasa Kira-Kira Wang Negara di Parlimen.
3. Laporan Ketua Audit Negara pada kali ini antara lainnya mengandungi perkara-perkara penting seperti berikut:

### **3.1. LKAN Tahun 2021 Siri 1 Mengenai Aktiviti Kementerian/Jabatan Kerajaan Persekutuan dan Badan-Badan Berkanun Persekutuan**

- (a) Pengauditan prestasi terhadap aktiviti Kerajaan dijalankan selaras dengan Perenggan 6 (d), Akta Audit 1957 serta berpandukan kepada piawaian pengauditan antarabangsa yang dikeluarkan oleh The International Organisation of Supreme Audit Institutions (INTOSAI). Pengauditan prestasi yang dijalankan bertujuan untuk menilai sama ada aktiviti/projek/program Kerajaan telah dilaksanakan dengan berhemat, cekap dan berkesan serta sejauh mana objektif yang ditetapkan telah tercapai. Ia juga bertujuan untuk menilai sejauh mana wang awam telah dibelanjakan tanpa berlaku pemborosan dan pembaziran serta Kerajaan mendapat *best value for money*.
- (b) Bagi LKAN Tahun 2021 Siri 1, sebanyak 9 pengauditan prestasi bernilai RM10.749 bilion telah dilaksanakan melibatkan 6 jabatan dan 3 badan berkanun Persekutuan/agensi di bawah 8 kementerian. Daripada

jumlah tersebut, 4 pengauditan melibatkan kategori program/aktiviti dan 5 melibatkan kategori projek.

- (c) Secara keseluruhannya, pelaksanaan aktiviti/projek/program Kerajaan Persekutuan telah dilaksanakan mengikut objektif yang ditetapkan. Bagaimanapun, masih terdapat kelemahan seperti sasaran output dan keberhasilan yang ditetapkan tidak dapat dicapai atau tidak boleh dinilai. Hal ini kerana sasaran kuantitatif, mekanisme dan indikator tidak ditetapkan, serta data berkaitan tidak diselenggarakan dengan lengkap dan kemas kini.
- (d) Ketua Audit Negara telah mengemukakan 33 syor untuk dipertimbangkan pelaksanaannya oleh kementerian/jabatan/agensi Persekutuan yang diaudit.

### **3.2. LKAN Tahun 2021 Siri 1 Mengenai Pengurusan Syarikat Kerajaan Persekutuan**

- (a) LKAN Tahun 2021 Siri 1 mengenai Pengurusan Syarikat Kerajaan Persekutuan mengandungi hasil pengauditan terhadap 3 syarikat Kerajaan Persekutuan serta 1 pengauditan yang melibatkan Pengurusan Syarikat Tujuan Khas (SPV) di bawah Menteri Kewangan (Diperbadankan). Pengauditan dijalankan selaras dengan Perenggan 5(1)(d), Akta Audit 1957 dan Perintah Audit (Akaun Syarikat) 2017 [P.U.(A) 294] yang telah diwartakan pada 30 September 2017 serta skop pengauditan yang dinyatakan dalam laporan.
- (b) Pengauditan pengurusan syarikat Kerajaan dilaksanakan berfokus terhadap pencapaian objektif penubuhan syarikat

dengan meneliti 3 aspek iaitu tadbir urus korporat, pengurusan aktiviti dan kedudukan kewangan syarikat. Pengauditan terhadap pengurusan syarikat SPV pula dilaksanakan bagi menilai prestasi aktiviti, amalan tadbir urus korporat dan pengurusan aktiviti SPV.

- (c) Secara keseluruhannya, daripada 3 syarikat yang diaudit, didapati 2 syarikat telah mencapai objektif penubuhan syarikat; 2 syarikat menunjukkan tahap amalan tadbir urus korporat yang memuaskan; dan 1 syarikat mempunyai kedudukan kewangan yang kukuh. Hasil pengauditan terhadap pengurusan syarikat SPV pula mendapati setakat 31 Disember 2021, 5 SPV (20%) telah berjaya mencapai fungsi khususnya, 18 SPV (72%) sedang melaksanakan fungsi khususnya manakala 2 SPV (8%) telah berubah hala tuju fungsi khususnya.
- (d) Ketua Audit Negara telah mengemukakan 15 syor kepada pihak pengurusan syarikat berkenaan untuk diambil tindakan bagi penambahbaikan perkara yang dilaporkan.

### **3.3. LKAN Tahun 2021 Siri 1 Mengenai Aktiviti Kementerian/Jabatan/Agensi dan Pengurusan Syarikat Kerajaan Negeri**

- (a) Jabatan Audit Negara juga telah menjalankan pengauditan prestasi terhadap 15 program/aktiviti/projek yang melibatkan 3 kementerian (Sabah dan Sarawak), 15 jabatan dan 11 agensi kerajaan negeri. Selain itu, pengauditan pengurusan syarikat telah dijalankan terhadap 14 syarikat kerajaan negeri. Keseluruhan bilangan tajuk yang dilaporkan dalam LKAN siri ini bagi 13 negeri ialah 29.

- (b) Ketua Audit Negara telah mengemukakan 124 syor, iaitu 62 syor untuk dipertimbangkan pelaksanaannya oleh kementerian/jabatan/agensi negeri serta 62 syor oleh pengurusan syarikat kerajaan negeri yang berkenaan.
4. Untuk LKAN Tahun 2021 Siri 1, Jabatan Audit Negara meneruskan penerbitan LKAN secara cetakan buku dan format digital, iaitu *Card Drive* dan *QR Code* untuk tujuan pembentangan di hadapan Dewan Rakyat serta edaran kepada kementerian/jabatan/agensi dan *stakeholders*. Selain itu, beberapa pembaharuan turut diperkenalkan iaitu persembahan infografik bagi setiap kajian yang dilaporkan untuk memudahkan pembaca memahami penemuan Audit yang penting. Di samping itu, LKAN kali ini juga memperkenalkan tajuk baharu iaitu Status Tindakan Bagi Isu yang Dilaporkan dalam LKAN Tahun 2011 sehingga LKAN Tahun 2020 melalui Auditor General's Dashboard (AGD). T turut diperkenalkan ialah tajuk Laporan Ketua Audit Negara yang disediakan secara ringkas bagi melaporkan penemuan audit yang tidak mempunyai isu signifikan. Semua pembaharuan ini diharapkan dapat memberi nilai tambah kepada *stakeholders* yang terlibat.
  5. Semua Pegawai Pengawal/Ketua Jabatan/Ketua Pegawai Eksekutif yang berkenaan telah dimaklumkan terlebih dahulu mengenai perkara yang dilaporkan dalam Laporan Ketua Audit Negara untuk tujuan pengesahan. Mesyuarat Penutup juga telah diadakan bagi tujuan membincangkan penemuan Audit dan mendapatkan penjelasan serta maklum balas terhadap isu-isu berbangkit.
  6. LKAN Tahun 2021 Siri 1 mengenai Aktiviti Kementerian/Jabatan Kerajaan Persekutuan dan Badan-Badan Berkanun Persekutuan dan LKAN Tahun 2021 Siri 1 mengenai Pengurusan Syarikat Kerajaan

Persekutuan akan dimuat naik di laman web Jabatan Audit Negara selepas pembentangnya di Dewan Rakyat. Orang awam boleh melayarinya di alamat <http://www.audit.gov.my> mulai 3 Ogos 2022 selepas jam 10.05 pagi. LKAN peringkat negeri pula yang melibatkan 13 negeri hanya akan dimuat naik di laman web Jabatan Audit Negara selepas pembentangnya di Dewan Undangan Negeri masing-masing.

7. Isu-isu LKAN Tahun 2021 Siri 1 juga akan dimuat naik di Portal *Auditor General's Dashboard* (AGD) pada 3 Ogos 2022 mulai jam 2 petang. Sebarang pertanyaan lanjut/pandangan mengenai Laporan ini bolehlah dialamatkan kepada [jbaudit@audit.gov.my](mailto:jbaudit@audit.gov.my).

Ketua Audit Negara  
Malaysia

3 Ogos 2022 M  
5 Muharam 1444 H



LKAN 2021 Siri 1 boleh diakses melalui QR Code ini selepas jam 10.05 pagi (3 Ogos 2022)